



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 50. De depositione à cruce.

---


[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

MEDITATIONVM. 335

3. Illi cor Christi vulnerant, qui aut verbis aut malo exemplo, causam præbent peccati illis, pro quorum amore Christus mortuus est.

4. Christus amore Christi; non tantum vulnerari voluit in manibus, pedibus, & in toto corpore, sed etiam in ipsis præcordijs, Ita nos amore ipsius debemus non solum operibus exterioribus, sed corde etiam, id est, bona voluntate & recta intentione, illi servire.

5. Tunc Religiosi illi homines, integra conseruant, & ossa Christi non frangunt quando integram suis superioribus præstant obedientiam, & non tantum executione externa, verum etiam voluntate & iudicio.



MEDITATIO L.  
DE DEPOSITIONE

A CRUCE

PVNCTA MEDITATIONIS.

- I. Serò venit Iosephus ab Arimathia vir bonus, & iustus. Mat. 27
- II. Hic audacter introiuit ad Pilatum petens corpus I E S V. Mar. 15.  
Luc. 23.  
Ioan. 19.
- III. Pilatus cognoscens eum obisse, iussit reddi corpus.

FIGVRA.

ARON completis hostijs pro peccato, & holocaustis & pacificis descendit. Leuit. 9.

DOCV.



## DOCUMENTA.

1. **D**VOBVS Iosephis Dominus commendauit suam personam. Vni in principio vitæ, vt ipsum gubernaret : Al in fine vt ipsum sepeliret ; Iosephus interpretatur accrescens & proficiens, vt intelligatur, quod Iesus non se illis communicet, qui in via spirituali consistunt, aut retro respiciunt: verum illis qui indies crescunt, & in virtute proficiunt.

2. Iosephus occultus erat Christi discipulus, verum ne perderet illum thesaurum, voluit manifestari, nihil faciens quid alij dicerent aut facerent : Ita non cogitemus nos vnquam obtenturos Iesum, si non simus parati contemnere omnes respectus & timores humanos, & multa perpeti : quandoquidem non potest colligi ista rosa, sine spinarum puncturis.

3. Cum patientia debemus Iesum de cruce deponere, in quam nostris peccatis illum affiximus, idque voluntarie fateri debemus, cordis dolore, vt fecerunt sancti illi discipuli.

4. Imitemur bonitatem viri illius sancti, viuendo hoc modo, vt rogantes cum fide, & desiderantes cum amore, corpus Iesu in Sanctissimo Sacramento, simus digni habere illud à Deo, sicut Ioseph illud obtinuit à Pilato.

5. Tunc fatigamur in deponendo Iesu de Cruce, quando occupamur in iuuandis proximis, vt illos ex peccatis extrahamus : quandoquidem conuertere peccatorem, qui suis malis operibus crucifigit Christum, non est aliud, quam deponere Christum de cruce.

MEDI-